

مستطابق

در سعادته باب عالی جاده سنده
اداره مخصوصه
محل اداره :

خطار :
مسکونه موافق آثار جدیده مع المنوبه
قبول اولنور
درج ابدله بن آثار اعاده اولغاز

دین ، فلسفه ، ادبیات ، حقوق و علوم دن باحث هفته لاق رساله در

مؤسسه : ابوالعلا زین العابدین - ح . اشرف ادیب

تاریخ تاسیسی :
۱۱ خمرز ۳۲۴

سنه لکی	القی آیانی	درسه دنده
۶۰	۳۰	درسه دنده
۸۰	۴۰	ولایاتده
۸۰	۴۰	مملک اجنبیه ده

در سعادته نسخه سی ۵۰ پاره در

قیرله دن مقوا بورو ایله کوندربایر سه سنوی
۲۰ غروش فضله آلنیر

در سعادته بوسته ایله کوندربایر سه ولایات بدلی اخذ اولنور.

ایکنجی جلد

۲۵ صفر ۳۲۷ پنجشنبه ۵ مارت ۳۲۵

عدد : ۳۰

ایراث ایدر [دنیل مسون، چونکه قدرت بشردن خارج اولان بومقدار دکل، اقصر سوره مقداری اولاندر .

تکمله

«ثم انشأناه خلقاً آخر» قول کریمده «ثم» حرفی ایکی خلق وایجاد ارمسندده کمال تفاوتی اشعار ایچوندر . ابوحنیفه رحمه الله حضرتلری بوقول کریم ایلده شوکا احتجاج ایتمشدرکه برکیمسه بریمورطه غصب ایدوبده اویمورطه غاصبک یاننده ایکن یاوریلایسه غاصبه ییمورطه نك ضمانی لازم کلیر، یاورونک ضمانی لازم گلار، چونکه یاوروی خلق آخردر . امام مشارالیهک بوکبی نه قدر عمیق استنباطلری وارددر . بوکبی استنباطلریله احکام شرعییه بی توسیع ایدهرک حقیقه امت مرحومه حقده بر رحمت واسعه اولمشدر . «امام اعظم» شهرت شایه سنه بالوجوه لائق بر امام همامدر، رحمه الله رحمة واسعة .

برکت زاده : اسماعیل مقلی

احکام الحرب والصلح في الاسلام

— یکن نسخه دن مایلد —

جمله سنی «قل یا اهل الکتاب تعالوا الی کلمة سوآء یبتنا وینکم ان لانهبد الا الله ولا تشرك به شیئاً ولا یخذه بعضنا بعضاً رباباً من دون الله فان تولوا فقولوا اشهدوا بانا مسلمون» آیات کریمه سیله بالجملة ملل واقوامی کلمه توحیده دعوت ایلیمش و ذاتاً بریدرومادر دن متولد اولدقلرینی تذکیر ایلده ارملرنده کی شقاق ونفاق ازاله و اخوتک ایجاب ایتدیردیکی حسیات شفقت و محبت وموانستی تحریک ایدرک ارملرنده بر صلح ابدی تاسیس مقصدیله «انما المؤمنون اخوة» آیت کریمه سیله ده بالعموم مؤمنلر قرنداش اولدقلرینی بیان وبو صورتله ارملرنده اخوت و مساواتی امر وفرمان بیورمشدر .

اخوت ایسه هر درلو حقوق ومنافعه اشتراک و مساواتی جامع ویکدیگره حق تفوق و رجحانی مانع اولمق حسیله استقلال بالمنفعة وفکر تفوق وتغلب ایلده وقوعبولان هر درلو خصومت ومنازعه بی دفع ومباينت لسانیه ومغايرت دینیه وعصیت قومیه دن طولای متولد اولان هرکونه عداوت ومنافرتی رفع ایلده اسلامی یکدل ویکوجود ایلمشدر . وبوحکمت مقدسه دینییه مبنیدرکه بوکون کره ارضک بر نقطه سنده بولنان بر مسلمان لسانی مملکتی قومیتی جنسیتی نه اولورسه اولسون کره ارضک سائر جهات واقطارنده بولنان عامه مسلمینی کنیدیسنه قرنداش بیلور . وبرقرنداش قرنداشنه نه مرتبه محبت ومعاونت ایتمی ممکن ایسه اوصورتله محبت ومعاونت ایلیمکی اوزرنده فرض بیلور . زیرا علیه الصلوة والسلام افدمن «لایم ایمان المرء حتی یتمنی لایخیه المؤمن ما یتمنی لنفسه» حدیث شریفیله بر انسان کنیدی نفسه دیله دیکی خیر ومنفعتی مؤمن اولان قرنداشنه دیله مدکجه ایمانی تمام اولمز، دیو بیورمشدر .

قالدی که بین الافراد وقوعبولان مجادلات یکدیگرینک حقوقه

تجاوز ویا عرض ومال وجانیه تسلط کی حرکات جاهلیه ومفاسد اخلاقیه دن ناشی بولنسیله «بعث لایم مکارم الاخلاق» حدیث شریفیله علیه الصلوة والسلام افدمن هر بر فردک حقوق مشروعه ومتقابله سنی حق وحلال صفتیله امر وتعیین وغیرک حقوقه تجاوزی ممنوع وحرام صورتیله نهی وتبیین بیورمش وبووجهله افرادک امنیت عرض، مال وجانی هرکونه تعرضدن مصون اولمق اوزره محافظه وتأمین ایلده آکا وقوع بوله حق تجاوزک منعی مقام خلافت تودیع بیورمشدر .

اسلامک یکدیگرلرینه مساواتلرینی بیان صدنده علیه الصلوة والسلام افدمن «المسلمون کاسنان المشط تتکافؤ دماهم واموالهم واعراضهم وهم ید علی من سواهم» بیورمشدرکه معنای منیفی مسلمانلر طراق دیشلرینه بکزرلرکه جمله سی بر شکل و هیئت وبرجم وصفنده اولدقلری کی هیئت مجموعه لریله علینده استعمال اولدقلری محله برالدرلر .

افراد مسلمینک یکدیگرلرینه اولان ارتباطلرینی دخی بیان ایچون (المسلمون کالجسد اذا اشتکی منه عضو تداعی له العضو الاخر) بیورمشدرکه مال منیفی مسلمانلر بر جسم واحده بکزرلرکه بر عضوی آغزیسه دیگر اعضاسی دخی رنجیاب تالم اولور دیمکدر . ایشته تنصیلات معروضه دن مستبان اولدینی وجهله اساسا دیانت اسلامییه عموم افراد بشر میاننده «صلح ابدی» تاسیس بیورمق اوزره ظهور ایتمش وکرك عادات وعبادات وکرك معاملات واعتقاداته دائر اولان کافه احکامی نظام عالم و حیات امی محافظه مقصد مهمنه مبتنی بولنمشدر .

حربك بدایت اسلامده اسباب مشروعی

مقدمه ده بسط و بیان قلندی و وجهله دیانت مظه اسلامیه بین الامم واقع اولان مجادلات واختلافاتی منع اساسی اوزرینه مؤسس اولدینی حالده حربیه جواز ویرمسی آتیده تفصیل قلنه جنی وجهله منحصرأ مهاجمات اعدایی مدافعهیه مقصور واسباب مجبره وتحفظیهیه محصور بولندی بوبابده نازل اولان آیات قرآنییه واحکام فرقانییه ایلده ثابتدر .

زیرا بدایة دین مبینه دعوت رفق وملایمت ووعظ ونصیحت صورتیله وقوعبولمش وسفک دمانک منعه جالشیمش اولدینی (وادع الی سبیل ربک بالحکمة والموعظة الحسنة) آیت کریمه سیله مثبت بولنمشدر . اشبو آیت شریفه نك معنای منیفی: ای پیغمبر دیشانم سن طریق حقه یعنی دین مبین اسلامه حکمت وکوزل وعظ ونصیحتله عالمی دعوت ایلده دیمکدر . ایشته شو امر جلیل الهیدن مستفاد اولدینی وجهله اسلامه دعوت اسلوب حکمت وملایمانه وعظ نصیحتله وقوعبولمش وقفت محضا سعادت وسلامت دارینه نائلیت ضمنتده واقع اولان دعوت دینییه کفار قریش سؤتلقی ایدرک علیه الصلوة والسلام افدمنه عداوت وکنیدیسیله اصحاب کرامنی بولندقلری خانه ده حصر وتضییق وکنیدیلریله کسه قونشماق وکورشماک وحقی چارشو

و بازار لرده بیله کندیلرله الیش ویریش ایتامک و بر مصلحت ضمنتده بریسی بولندقلری خانه دن خارجه چیقه جق اولور ایسه اکاهر درلو اذا وجفا ایلیمک اوزره اره لرده عهد و پیمان و (حلف الصحیفه) نامیله عقد ایمان ایلملری و تعدیات و تجاوزات واقعه لرینی عاقبت حیات شریفه لرینه سو قصد درجه لرینه واردیرمش اولملریله حربیه بادی اولماق اوزره مکه مکرمه ده کی دار و دیار لرینی ترکله ناچار مدینه منوره یه اختیار هجرت بیوردقلری بالجله کتب دینییه و تاریخیه ده محرر و مذکوردر .

مدینه منوره اهالیسی ایسه اوس و خزرج نام ایکی قبیله ایله بنی قریظه و بنی النضیر نام طوائف یهوددن عبارت اولوب اوس و خزرج دهها مکه مکرمه ده ایکن مبعوثلری واسطه سیله قبول دعوت و شرف اسلام ایله مشرف اولمشلر سده طائفه یهود دیانتلری اوزره باقی و موجود اولدقلرندن اسلام ایله حسن معاشرت ایلیمک و طرفیندن کمنه آخره تجاوز و تعرض ایتامک اوزره علیه الصلاة والسلام افندمرله عقد رابطة موالات و بر معاهده مخصوصه ایله سالک راه مصافات اولدقلری حالدیه اخیراً کفار مکه مجتمعا مدینه یه هجوم ایلدکلری صرده طائفه یهود نقض عهد و پیمان اندرک کفار قریش ایله بالاتفاق پیغمبر ذیشان ایله اصحاب کرمانی هر طرفدن احاطه و حصر و تضییق و غزوه خندق نامیله بنام اولان حرب معلومه سببیت ویرمش اولملریله حضرت نبی ذیشان ناچار مدافعه و مقابله یه مجبور اولمش اولدینی کی کفار مکه کندیسيله اصحابی سنده بر کره زیارت بیت الحرامه مساعدده و صلح حدیبیه نامیله اولصورته عقد معاهده ایلدکلری حالدیه اخیراً یه کندیلری نقض عهد ایله حربیه قیام ایلملری اوزرینه سورة بقره ده ﴿ وقاتلوا فی سبیل الله الذین یقاتلونکم ولا تعمدوا ان الله لایحب المعتدین ﴾ آیات کریمه لری نازل نازل اولمشدرکه معنای شریفی ای مؤمن اولان قوللرم سزکله محارب اولانلره راه حقده حرب ایدیکز انجق تعدی ایتیکز . جناب حق متعدی اولانلری سومز دیمکدر . اشته اشبو آیت کریمه ایله حربیه مقابله و مدافعه صورتیه مأذونیت ویرمش و دشمن هر نه وقت ترک سلاح ایلر ایسه ترک سلاح ایتیمک و معامله بالمثل خارجنده ظلم و تعدی ایتامک و حربیه تجاوز صورتیه باشلاماق و عهد و پیمانلرنده ثابت قدم اولان سائر قبائل معاهده یه ایلشامک اوزره امر و فرمان بیورلشدر . حربک دیانت اسلامییه جوازی حقده ایلک نازل اولان آیت کریمه اشبو آیت شریفه اولوب مدینه منوره ده نازل اولمشدر . واشبو آیت کریمه یی تعقیب ایدن ﴿ ولا تقاتلوه عند المسجد الحرام حتی یقاتلوه فیه فان قاتلوه فاقتلوه ﴾ نص کریمی دخی مقاتله نک انجق مقابله و مدافعه صورتیه و وقوعه جواز ویرلدیکنی ناطق اولدینی کی انی ولی ایدن ﴿ وقاتلوه حتی لا تکنون فتنه ویکون الدین لله فان اتوا فلا عدوان الا علی الظالمین ﴾ آیات کریمه لری معنای شریفه لری دخی مقاتله دن مقصد مقابله اوله رق موجب فتنه و اختلاف اولان اسبابک منع و ازاله سی حکمتیه مبتنی اولدینی واضح و هویدادر .

و بوکی محاربات و مقاتلاتده مقابله و مماثله مشروط اولدینی ﴿ فن

اعتدی علیکم فاعتدوا علیه بمثل ما اعتدی علیکم و اتقوا الله و اعلموا ان الله مع المتقین ﴾ آیات کریمه سیله مثبت درکه مضمون منیفلری ای طائفه مسلمین سزه تعدی ایدنلره سز دخی تعدی لری مثللو اعتدا ایدیکز و نصرت و غالبیتکز حالده تجاوزدن اجتناب ایله جناب حقدن خوف و حذر ایدیکز زیرا الله ذوالجلال حضرتلری حق سزلقدن صاققان قوللریله برابر و کندیلرینه یار ویاوردرد دیمکدر .

اشته اشبو آیات کریمه کافه حقوق حرب و صلحی جامع برر دستور حکمت و قانون معدلت اولدینی واضح و اشکاردر زیرا حرب و اعتداده مماثلت مشروطه اولنجه اشبو مماثله اسباب حرب ایله حربک زمان و مکان و قوعیه دشمنه قارشو استعمال اولنجه جق اسلحه کیفیاتی و مدت دوامی و مجروحین و اسرایه ایدیلر جه معاملات خصوصیه مقابله بالمثل احکامی جاری اوله جنی و نقط خصم حدود مشروعه یی تجاوز ایلدیکی حالدیه ظلم و عدوان خصوصیه اکا متابعت جائز اوله میه جنی (و اتقوا الله) تحذیری و (ان الله لایحب المعتدین) نص کریمه معین و مصر حدر .

مار و بنی زاره : عارف



دین و عادات غیر مشروعه

اقوام مسلمه شرف اسلام ایله مشرف اولمازدن مقدم هر قوم و قبیله نک کندیلرینه مخصوص بر مسلك و مذهبری واردی . وقتاکه اسلامیت بونلرک اراسه کیرنجه ؛ کندی احکام عادل و قواعد رصینه سنی تأسیسه آنلره مغایر و مخالف اولان کافه اعتقادات و عادات غیر معقوله یی اساسندن قلع ورد ایلدی . شو قدر وارکه اسلامیتی قبول ایدن اقوام قبل الاهتداء کندیلرنده طبیعت ثانیه حکمنی الان بر طاقم عادات غیر مشروعه دن شرف اسلام ایله مشرف اولدقدن صکرده تخلص کریبان ایدمه مشلردر . حتی رسول اکرم (صلم) حضرتلری اصحاب کرامدن بر ذاته : [انک امرؤ فیک جاهلیة] بیورمه لری بوجال اسف اشتماک زمان سعادتده وقوعه صورت واضحده دلالت ایدر .

ایشته بومرض مدهشه عصر پیغمبریدن زمانغزه کلنجه یه قدر بر طاقم بدعتلر کونا کون سیاستلر انضمام ایدره رک مشکات نبوتدن تباعد ایتدکجه بومرض مستولی آله بیلدیکی قدر توسیع دائره ایدوب عالم اسلامیتی بوکون ایچنده بولندیغمز درکه هولنا که دوشر مشدر .

کره ارضمزک اسلام ایله مسکون قطعاً تنده عادات غیر مشروعه نک احکام و قوانین جلیله شرعییه الک زیاده غلبه ایدره رک حکم فرما اولدینی بر قطعه و ارسه اوده چین قطعه سیدر . عددلری الی ، الشمس ملیونه بالغ اولان چینلی دین قرداشلریمزک حال حاضرلری پک و خیمدر . عادات مذمومه نک آنلری ایقاع ایتدیکی تخریبات مادیه و معنویه چوق ایلرویه کیمشدر . از جمله مسجد و جامعلرنده محوسیاک شعائر